

東塘集卷之四

吉水 毛 伯溫



五言律詩一百首

張葵屏宴集即席四首

九載一相見人生能幾何
風莖留野菊霜葉下庭柯
落日觀燕舞清尊聽楚歌
明朝江上別極目嶠雲多
昔別蓬萊雨今逢江漢秋
院深花影合簾捲暮煙浮
獨行鄉人重高名藝苑收
相思復何處夜月岳陽樓
漏沉淹憲節秋靜見葵屏
桂菊當軒並壘河遠戶明
笙歌喧獨夜鼓角壯孤城
此別思無限別滿雲樹橫

黃葉辭秋樹明星帶夜堂
滿寒不起霜
興入新詩短愁添舊語長
垂聲喧四壁庭月看中央

謁文正書院

古院長江及高名大宋聞
窓含蘭渚月簾動墨池雲
古木凝秋色寒鴉下夕
群岳陽樓不遠夢寐洞庭君

清化驛和韻

曉雲迷嶺樹秋水淝江
蘭黃葉空中墮青山馬上
看衝風雙節遠映月一
燈寒客路無時盡更闌
此具餐

過桃川

往事今成古桃源信有
無昔人能避世此地乃
通衢

山峻雲飄樹秋高風裊
蘆奔馳竟何濟下馬一
長吁

鄭家驛和夏公謹韻

地僻行人少庭空落葉
深下車聊獨坐舉眺得
高吟
風雨他鄉路江山遊子
心桃源多勝跡到處可
登臨

馬底雪行

十日兩逢雪占年喜不
勝山巔高削玉水畔薄
凝冰
澗草迷仙跡巖風動佛
燈驅馳半天下蹤跡笑
吾曾

沅陵候充之不至

武陵曾遣使半月不歸
來江口傳書至城頭望
眼開
燈花連夜喜成角五更
哀咄竟虛成約多情寄
野梅

贈陶使使滇歸省

遠持天上節直到滇南回歲月驚新改江山喜再來
暖風催驛柳殘雪帶溪梅堂北春無限萊衣得獻杯

雙玉合巵贈陳侍郎簡菴

孝孫登顯日旅襯合巵時及地重相見如天真有知
夕陽明野草秋雨走山麋寵贈恩何渥司空神道碑

雲溪道中

匹馬雲溪道郵亭空復行野橋春水急茅店午煙清
暖色纔舒柳晴聲忽轉鶯悠然淳朴地健婦把犁耕

岳陽樓和吳東湖中丞韻

觀水喜君共登樓恨我初清虛天上似空闊世間無
舟楫乘風遠簾櫳映月疎君民憂正切何暇問蓴鱸

岳陽樓次金鶴卿韻

校武旌旗動論文樓觀開雲深山色暝風細角聲哀
沙鳥雙雙去漁舟箇箇來倚樓空望眼日暮不知回

謁胡文定公祠

衡嶽存先跡麟經啓後來復讐遺志隱崇德古祠開
夜月惟孤兔春風自草萊傳家有賢子祀典合相陪

觀朱陵洞

齋心謁南嶽發興到朱陵瀑布從天落銀河倒地層

石留蝌蚪字洞隱懶殘僧終日塵紛裏春風快此登
雨夜排山道中

雨夜復山行山遙不計程郵筒驚犬吠驛炬起鴉鳴
活活泥途險登登石棧傾勤勞聊補拙敢謂負功名
杏雨書屋

何處董德林江城寄迹深深溪雲蘿徑濕山雨草堂陰
書積非綠祿藥存豈爲金卓哉賢弟子不負隱君心
東莊奉贈 荆殿下和鳳山韻

誰道

王門峻東莊却在茲雲深驅犢處雨急啞鳩時倦去

時斟酒豪來一賦詩不爭倉廩實此樂少人知

陳濯纓張南山皆蒙君舊友偶會於斯相約
叙舊至期南山行矣即席漫成

昨者兩人約今朝一客來到門雲傍屋入座酒盈杯
庭葉隨風舞籬花冒雨開通家三十載臨別意徘徊
蓬萊小洞天贈 宗審

誰道蓬萊遠悠然對目前絳茅如斗大入洞似鐘懸
花草深春徑煙雲薄曉天一塵不可到清曠足容僊

靜軒和羅一峯韻

渺渺秋江許何人結草廬雲依春樹淡月傍夜窓虛

冥契書前易問看剛後書此中誰得解未到兩儀初
龍賜金絲贈胡長史

相業聞 藩府

君恩下禁宸鼎毒金帶重煜煇紫袍新坐對荆山曉
行看楚水春康強將八十還可赴蒲輪

贈張州倅

展卷盈珠玉知君重縉紳湘南留政績冀北苦風塵
乘便還家日輸忠報國身斬陽片時語轉覺舊情真
壽陳毋

昔重隱君德今知阿母賢懿聲聞里頌雅操播時傳

發動庭前綵菊開堂北筵慈顏常不老春酒慶年年

睡仙贈陳隱士

鳳凰山下館希夷身後僊閒隨山鹿去靜伴野雲眠
日月相升沒川陵自變遷醒來無別事冥坐契先天
題周子厚先翁紀最卷

聞道慶符縣周侯棠樹深清風高葉曉明月疊枝陰
舊績銓曹首新祠父老心賢郎今食報許國重南金
除夕寫懷

今夕年將盡明朝春又來光陰流水去懷抱幾時開
郡邑多戎馬田疇半草萊更聞猶獨坐短述向燈裁

廬山秦翁夜話用前韻

臺中高閣靜門外小車來時事挑燈語春懷對酒開
雨聲聞戶牖雲色想蓬萊淺薄多憂慮煩君次第裁

和韻贈陳生二首

采石江邊月摇摇照楚城孤舟耿不寐遊子獨關情
驛鼓乘風遠枕樓衝浪鳴明朝須早發日短况兼程
離家今幾日日日計途程鼓楫晨謳亂停舟夜笛清
江風吹浪細蘆月照沙明不盡思親意慙慙念此行

陰德堂和韻

賢王揮巨筆斗晝耀當楣沒後人猶仰生前天爾知

竹橋編蟻日雲徑掩蛇時奕葉書香遠于今見報施

題蘆泉卷臨別走筆

江漢朝宗地蘆泉清白家泉清雲動影蘆白月生華
春雨鷗群亂秋風鴈陣斜茅齋觀易罷獨坐飲流霞

伍清磯詩使至臨湘和答二首

春別纔三月相思如九秋每依臺北樹長望岳陽樓
正喜新巡到還將舊約酬佳章勞遠使深感重交遊
遠嶠雲初曉平坡麥正秋感懷頻擊楫縱目欲登樓
伍子真豪邁百篇屢倡酬洞庭天下險訝我四經遊

伍宇初度席間口占二首

今日逢初度來朝是冠期汝年方十七吾道屬維持
桂殿秋飄實杏園春發枝高才看奮翼側日鳳凰池
嘉禮良辰集清尊上客淹王人情獨厚令子意能謙
花發雲生砌鵲呼日在簷少年宜努力他日注群瞻

花縣鳴琴贈謝景宿

好雨花齊發南風琴正鳴共稱今縣尹不忝舊家聲
太僕馳名久夔州接浙行歸來添一鶴相對小窓清

大荆驛和韻

此驛經三度憐余亦久巡有懷嗟老我無計活窮民
隴麥已收夏巖花猶吐春離筵對知己清論洗心塵

湘陰行臺和壁間韻

憂時多險阻嗟我太迂踈吳楚兵戈後江淮饑饉初
四民俱轉徙何日是寧居獨坐愁腸結無能可破除
得新巡報漫成

驛使今朝到新巡有報書此時應入楚何日始停車
慚愧平生拙驅馳二載餘芭蕉踈滴雨相對晚窓虛
富陽夜行

江月茫茫白山風嫋嫋輕沙明知鷺宿市近覺人聲
僧塔燈長烟官舟夜獨行錢塘平浩渺無際見杭城

贈別龍姪

吾宗有佳姪循雅自出群文部効勞久武曹供事勤
城烏朝噪日亭樹午屯雲爾別吾增感家音冀早聞

壽萱

萱花藹堂北鬱鬱疑幽姿片月秋明葉輕風曉拂枝
簾幃香不變歲月老偏宜綉佩符佳胤聲華滿鳳池
栢林書屋贈敖秉之

古栢蔚成林林間書屋深枝橫春院霽葉覆千窓陰
翠色凌霜雪冥搜見古今臺端誇令子不負隱君心

送廖校府

秋色都門暮持杯送爾行黃花含露濕赤葉帶霜明

校府非無事同鄉自有情臨岐爲君喜二子看崢嶸

送人之官

上國春將暮長亭客欲行園桃迎日艷岸柳颺風輕
東海觀新治西江有舊情莫言萬里遠政善自知名

具慶

堂上親齊壽天涯子獨遊不能承色養何以慰離憂
綵服客中夢白雲望裏秋何時沾薄祿爲此寸心酬

送錢掌教

西山初霽雪南郭正開梅別意隨流水交情引濁杯
明時崇禮樂文苑得英才送子動歸思何時江上臺

飲高氏即席賦

夜來漲新水官舫到溪前
鰲嶺樹迷雨楓江草宿煙
開園摘果熟舉網得魚鮮
歸路聞啼鳥春光又一年

集虛觀

曉山梅雨細江岸柳風長
西墅偶逢客玄關近度岡
斷碑苔蘚蝕古徑草花香
坐久塵紛寂閒雲過竹房

和答簡菴陳侍郎

高情枉詩句交誼古人同
盡取廟廊具還收竹帛功
朝雲巫峽雨夜浪洞庭風
無限相思意孤鴻度遠空
萍鄉行院和壁間韻

朝雨濕長路晚雲依短牆
逢人嗟老弱到處說凶荒
山色侵松徑蛙聲亂草塘
今宵宿鄉土昨日泛瀟湘
挽徐封君

光祿恩封重太平羨散人
西湖間日月南極渺星辰
正擬終朝樂胡期一夕淪
無論潛德闇墓道看堅珉
市隱贈易天竒

車馬紅塵暗琴書白日幽
豈知闕闔地亦有崎嶇丘
淡月厓松曉清霜籬菊秋
高風邈大隱今復見南州
和答陳巡按

山嶽忽搖動今巡非昔巡
先聲驅墨吏餘澤及窮民

旌節行行曉湖湘處處春慚余抱踈拙安敢望芳塵
三郡政畧贈劉介之

哲人不可及隨處著英聲山虎縱橫息石灘洶湧平
忤權寧避禍却贈見真情令子承家學前休今愈明
送鄒晉卿佐常熟

吳中稱巨邑江右數名家擇地無如此掄才孰爾譁
春泉平 畎澮曉雨濕桑麻執手難爲別長亭日復斜
壽劉節婦六十

瑤池桃正熟繡幕葵初明玉比容顏好水同節操清
弄孫恒適意賙匱懼知名不但貤封貴還應御墨旌

和答松月伍中丞二首

九月朝儀整踈慵亦濫皆雨餘花有菊霜薄草猶芟
急水魚群亂長空鴈陣排思君不可見何以慰吾儕
語笑承清燕中丞節幸皆鳴撓牽水荇曳履帶霜芟
今會何難得前生豈預排仰君山斗望亦肯念常儕

湖口舟中和倫白山韻

鄱湖接江漢萬頃波濤深日月東西見風雲吳楚陰
空茫千里望利涉百年心五老回瞻近何時許共尋
進鮮船和倫白山

驛傳喧聲動鮮船須太煩牙檣不易發緜篋豈堪論

只益蒼生苦良孤 明王恩誰將艱苦狀圖畫獻

天門

新安驛

臨河孤驛館隔岸幾人家徑僻蟬鳴樹庭空鳥啄花
懷鄉心獨苦望闕路還賒連歲頻過此勞勞信可嗟

訪雪卷和韻

未訪當時雪聊同此夜茶人情疑土梗世事換年華
燕柳晴初葉吳梅凍已花相逢開口幾痛飲是生涯

送戴簿之宜興

寶林有賢裔文采重吾鄉栖棘未爲屈凌雲自不妨

都門人影月驛路馬蹄霜佐邑先民瘼吳中接歲荒

贈朱簿之上饒

南輔稱寧國西江數信州生才吾已見爲邑爾何求
山雨秋鳴溜林風晚入樓公庭無一事治郡有賢侯

示李海驛丞

憶昔閩還日勤勞憐爾多玉山秋潦漲淮水夜風波
十載事如昨一官鬢未皤驛庭無別事迎送莫蹉跎

贈王中丞之蜀

京兆聲華重都臺地望崇思棠歌父老迎竹走兒童
禾黍岷山雨帆檣楚峽風功成隨內召赤紱近重瞳

挽叢尚書廷秀

丰山忽改色迢遞暮陰生經術虛鄒魯威聲自代并
春風曾識面夜雨獨傷情珉碣鑄神道尚書不乏名
東浦贈汪太常用之

西湖天下絕東浦湖中奇荇藻牽風細樓臺上月遲
寺鐘來樹杪漁槳動花枝樂事四時有主人隨所之
上陵曉發

病軀便曉發入望喜秋成禾黍連疇熟牛羊卧草平
雲橫千樹暗雨洗萬山清偶爾聞流水停軒欲濯纓
途次奉贈王平川翟石門二侍郎

鉅卿同典祀秋日喜追隨問俗憐民瘼論文得我師
鳴蟬低抱葉落木暗辭枝坐食慚無補山行野性宜
過鄒氏

舊館清河曲頻過意更親隸人歡識主稚子狎迎賓
沾渴瓜分進忘形酒密巡清筵難久住長路戒風塵
懋回龍觀

中路開仙觀五年七度過道童驚我至牧子向人歌
風樹初黃葉雨堦仍綠莎莫言今歲熟猶自苦征科
康陵候祭

山空人語寂雲淨月華明松下麒麟卧草間蟋蟀鳴

長陵鐘已動

秦廟禮初成漫憶 賓天日凄涼淚濕纓

祭歸值大風

歸路北風急飄然疾我驟步輕知借力膚冷欲重衫
塵務迷村落松濤吼石巖七回叨祀事不改舊官銜

邵氏園亭和山齋鄭侍郎四首

地僻隔浮埃名園背郭開花間蔽路徑樹杪見樓臺
問故憐新主尋幽藉舊苔歸鞭催暮雨何日定重來
石磴穿雲入蘭舟傍柳移懸厓花爛熳斷岸水逶迤
藻浪遊魚趁松風宿鶴知西山忽送雨眼底又增奇

乘興出郊垆煙村入望冥亂花迎日笑叢竹裊風清
草蔓綠緣砌松枝翠結屏樹迴疑路盡又見一園亭
戚里歡娛地官曹休暇時乍遊疑入夢窮覽不知疲
徑曲穿亭遠蘿深出洞遲眼前俱樂事况復值花期

贈巨川李憲伯

談笑平芒部驅馳上玉京高呼

天闕近萊舞綠衣輕

聖主嘉不績朝紳仰俊名即期膺寵擢不必問歸程

送史簿之温

昔我使中州覃懷屬舊遊鷄豚茅屋曉禾黍水田秋

佐邑湏勤慎牧民貴講求卑官有賢譽
聖代亦兼收

送郭生還沁源

選籍題名日

皇都送別時并梧飄露葉籬菊偃霜枝
沁水望何遠
燕山出未遲故園書屋在莫遣宿心違

送范丞之泗水

聖澤流何遠皇風喜正淳撫存需豈第
簡用出衡鈞
旭日輝林木輕霜淨路塵離情付杯酒
莫訝勸君頻
贈楊廷重尹閩中

令弟今司牧難兄昔避驄宿威傳父老
新節走兒童
全楚家聲舊三巴民計空循良期不忝
爲政仰前風
送吳簿之海陽

東廣多殷富人尤美海陽官曹分俊彥
嶺海悵離觴
夜月絃歌滿秋風禾黍香長官賢可法
况復是同鄉
送周司訓之永安

西江多俊彥吾邑數桑園昔苦文場厄
今知師道尊
朔雲開驛路晴雪映都門萬里難爲別
持觴復贈言

送羅司訓之松江

吳下多名士雲間發秀靈春風鳴教鐸
分野次文星

別意杯中酒浮生水上萍何時重握手吟望曉山青
送嚴司訓之重慶

令兄賢太守仕路得相逢難弟今重見通家情更濃
清時崇聖教西蜀得儒宗後夜相思月巫山十二峯
送陳司訓之上饒

昔我巡三楚憐君抱異才數竒恒不偶道在未湏衰
夜月絃歌動春風桃李開儒官豈終誤盃酒慰徘徊
甘泉

溪水天下有無如此水甘不生千頃浪絕勝百花潭
酒釀饒香冽茶烹豈二三主人適真性那復校廉貪

送周啓和巡雲貴

莫謂清戎苦應知

簡命專黃麻天語重白晝錦衣旋江影曉煙樹棹
歌春水船臨岐還執手重會定何年

送羅司訓之九谿

憶昔同鄉校君才羨獨先文章嗟白髮事業付蒼天
渺渺九谿道踰踰多士賢春風藹桃李應不負青氊

送胡崇德分教桂陽

我昔趨庭處君今分教初山川新學舍燈火舊詩書
綠蟻情可極青雲志未舒鱣堂原有兆會見曳華裾

送李叔玉尹固安

兩世登庸日俱當丙戌年書香如有待宦業豈無傳
畿內民風厚朝端士論先花封勞牧愛侍從待君還
聞爾鳳翔尹端居喜欲顛極知兵憲好况復郡侯賢
獲上非無道憂民願有年功成還

送杜應韶尹鳳翔

寵召快覩豸袍鮮

送安卿之南光祿

翩翩冠蓋集設餞城東隅日靜滄江迥帆輕去鳥俱
過家便書錦酌酒及秋萸會見烹人頌聲華重兩都

送俞少保致仕

少保歸田日西湖過雨時樓臺銜晚照松菊卧秋枝
拭簾雲生榻移船月近巖林泉多適意翻訝解歸遲

東塘集卷之四

東塘集卷之五

吉水 毛伯溫 著

五言律詩

一百四十四首

玉山行院和韻

頻歲客天涯
偏驚換物華
灘聲過雨急
山色傍雲佳
漸喜親闈近
回瞻

帝里賒茲歸
理農事久宜
得忘家

雪厓

古洞千厓雪
遙空一鶴橫
寒光臨月迥
積素照煙清
蘿屋懸燈影
松林過磬聲
採芝何處去
靜裏得長生

中丞周貞春 表賀至京和韻二首

南都函致語 北闕引朝簷
雨澤群方一 嵩呼萬歲
三星河金殿 曙劍珮玉墀
參親見

天顏喜榮光 美獨堪

舊雨憐分袂 春風喜去簪
我官猶滯五君秩 已遷三
嘆世浮沉異 論心笑語參
相逢即相別 離思更難堪

曲子驛喜晴

昨苦彭陽雨 今歡曲子晴
山川朝日麗 禾黍晚風清
樹動侵雲影 溪喧雜鳥聲
邊塵喜初靜 推轂正關情

豐林即席賦二首

臘近含春早 庭空映雪深
無絃雖不鼓 對坐自知音
風動香飄殿 煙冥雀噪林
東閣梅谿曲 西園草徑深
天潢通漢派 藻句法唐音
山鳥午鳴樹 寒雲晚覆林
鄉關渺何許 遠客動歸心

挽張一菴

昔仰生前德 今看畫裏容
一菴嗟寂寞 三世美登庸
月冷新渠水 煙冥舊隴松
遺風耿千載 屹立賀蘭峯

環縣道中

行程將十日 今始見鄜亭
漸喜龍沙遠 驚看春樹青
牛羊下山麓 煙火散郊坰
昨去今來路 飄飄水上萍

慶陽道中

臘容冰尚占春色
草初侵牧唱楊坡
遠穴居松徑深
凍雲依絕壁殘日
駐疎林客路饒詩
興停驂一短吟

入寧州

群山如列戟
忽爾見孤城
冰解春流細
雲收晚照明
飛塵迷宿莽
過鳥拂行旌
百里渾忘倦
微吟興轉清

入政平

行人不厭晴
天意愜人情
鳥落晴空迥
馬嘶古道平
水村煙欲暝
石砌草潛生
夜息曉仍發
勞勞孰計程

邠州道中

夜息曉仍發
勞勞孰計程
郵童似識面
野草不知名
高嶺半天起
危橋斷岸橫
西江歸去好
煙水定鷗盟

呂幼孚夜坐

九川有令子
早歲冠賢科
誼重箴規切
情深笑語多
春風同對酒

帝里看鳴珂
日出聞啼鳥
臨岐奈爾何

宋西巖夜酌

憶昔中臺別
于今十六年
風塵嗟在苒
杯酒喜留連
石竹含朝雨
牆梅拂晚煙
林泉真可樂
吾亦欲歸田

杏花春雨亭贈西巖

春雨杏花開
玉人初夢回
幽香生几席
淨色出塵埃
興動哦新句
情歡覓舊醅
重門常不掩
紫燕去還來

高陵懷呂涇野二首

紫殿傳宣日
龍頭隘九州
讜言追董策
直節壯

皇猷出處應
無累行藏豈
自由雲霄千
仞遠快覩鳳
凰遊

渭水清於練
終南翠可屏
秦關元結秀
涇野更分靈
片月秋空迥
孤鴻滄海冥
渺余思驥步
極目引長坰

高陵道中

昨識涇南路
今行渭北田
風回塵拂面
雲起樹連天

柳葉青猶嫩
杏花紅可憐
牧童牛背穩
高唱夕陽邊

東華巖夜集

行役應憐我
知幾獨羨君
看山春酌酒
對月夜論文
短麥青連隴
高松翠入雲
鳥啼天欲曙
離思忽紛紛

羅文橋華巖話別用韻三首

夜宴歡無極
晨杯復共君
情真頻得句
語朴自無文

東嶽晴升日
古橋寒出雲
臨岐重把袂
塵思正續紛
海內誰知已
三秦獨見君
代巡崇憲體
屏惡挾彈文
巖竹春留雪
坡松晚帶雲
酒闌同靜坐
渾不見塵紛
遠送應憐我
高情誰似君
雄論無漢策
健筆有秦文

晚檻斜沉日春空低度雲橋頭長揖罷征思各紛紛

出潼關

西出潼關路春光半野莎鑿山秦跡少導水漢流多
據險雄三晉提封合兩河烽煙喜無警羌笛和絃歌

閿鄉道中

昨宵還右陝今日已中州雨過春河急雲眠沙嶼幽
鳥聲驚午夢山色豁吟眸

帝德同天地涓埃媿未酬

陝州留別楊掌教

昨來情太厚今會復如何曉雨過青障春風長碧蘿

斯文千載重交誼十年多此別尤難別祖筵空浩歌

陝州道中

往返東西陝頻瞻冀北雲露芝明華嶽煙浪隱河汾
洞側山泉落橋橫柳色分此心無進退日日戀

明君

贈玉陝州

文譽馳三晉賢聲動兩州安居誰閉戶公暇獨登樓
新路皆如砥磽田亦有秋遷書知早下卧轍恐難留

柳溪贈許督府

溪上柳依依溪邊過客稀含風宜夏榻過露濕春衣

絮起飄新漲蟬鳴送落暉垂竿不設餌鷗鳥下漁磯

及二河夜集

驛舍同深酌一燈相對清興來乘短詠醉去見真情
夜靜蛩聲切天空斗柄橫明朝岐路別曙色滿行旌

望太行

過河見太行蒼茫萬里長雲霞疑曉色桃李競春芳
僧寺斜依洞人家半倚岡行行看不厭忘却在他鄉

別劉進士汝言

往返衛源道送迎獨爾勞交情十載重文譽萬人豪
杏雨開春錦桃花漾曉濤臚傳

金殿曙仙杖映官袍

劉雲川夜集

夜靜香煙碧堂深燭影紅王情歡未已客興更何窮
斗柄燕山北舟航衛水東不勝鄉國念欲語別匆匆

雲川曉送舟次

載酒官船遠曉行河水平絃歌喧窈窕簫鼓競空明
雨過看山色風和聽鳥聲臨岐還執手欲別不勝情

蔡霞山夜酌

君典文衡日余叨春榜時廿年嗟契闊此夕幸追隨
深酌簷花細劇談漏刻遲蹉跎無建白何以慰相知

夏津和壁間韻

齊魯頻來往初經此夏城風煙連野暗花柳近村明
暫憇還晨發微吟覺夜清乍離妻子累對月坐前楹

挽李日章

撫卷發長嘆懷人獨慘悽楚雲秋黯黯江草暮凄凄
懿行今何少孝心古可齊賢郎應食報墓碣表新題

周生新居落成

勝日開華構春風滿戶庭鷗鳧新水綠松柏遠山青
清宴朝浮白文談夜入冥慈闈還彩戲壽酒樂遐齡

送胡生還筠

文江一杯酒吾道屬筠陽新水催蘭棹舊山環草堂
揮毫便書靜譚史喜更長看汝飛騰日風清桂落香

一槐贈孫司訓

一槐六連理和氣物先知踈影侵書幌清芬入酒卮
高枝來月早密葉遞風遲世德應無忝來徵定可期

贈皮柳城

楚水掄文日螺川惜別時相知十年舊作令萬人宜
驅犢雨中意鳴琴月下思政成膺寵召鵠立定丹墀

贈叟隱士

結廬在城市乃有山林幽柳徑交黃鳥蒲汀過白鷗

雨餘疏匝圃客至酒盈菊世事渾無累空雲澹自流
中洲贈王德讓

迢遙來二水偃蹇出孤洲雨過菰蒲靜煙含杖杜幽
書窓開浦色漁艇卧沙秋塵俗牽人易誰能此地留

南谿

結屋傍南谿行吟獨杖藜持枰來舍北看竹過橋西
細草含煙媚新蒲出水齊時還乘小艇笑傲得幽棲

西園

羨爾西園主幽懷三逕同書燈茅屋雨漁笛草汀風
畦菜煙抽紫山楓霜落紅客來還涉跡對坐說年豐

喬松壽吳易齋

百尺抗龍嵒龍泉山下松應同君子操不受大夫封
儼接天疑近碧垂冬更濃清風拔千仞巢鶴定孤蹤

送胡瓶山憲副之楚

一別經五年相逢又別筵如何新節鉞復指舊山川
巫峽楓林岸洞庭春水船觀風有餘興憶我及詩篇

壽瓶山具慶

晝錦便娛綵春暉正草堂行年俱六十樂事豈尋常
椿老晴偏麗萱垂晚更芳瞻雲無限意此去慰衷腸

几川贈楊侯

迥自岷山出深從巫峽來青天飛瀨雪白石走濤雷
舟楫真堪濟川源固有開願將消勺水分潤及蒿萊

挽羅竹坡

宰樹含煙暝傷心涕淚多文名應不泯天意竟如何
遺草留芸室清風動竹坡表潛難弟在墓石看嗟峨

浣溪贈范憲副

杜老遺溪在范公屋數間湍聲低出石雲影靜依山
草拂春風軟花明夕照間何時同洗耳把釣聽潺湲
贈黃齋度

桂楫浮新漲茅齋藉短荆草寒煙欲聚山出雨初晴

尊酒論情洽片帆引別輕到家時我憶篇什寄深情

送長生還五雲

太急文江別相看吾道南龍門占小躍虎穴必深探
墨沼翻青草書窓引碧嵐觀心期靜妙秋月在寒潭

挽劉郡博

莫誦山陽賦惻悽不忍聽虛堂沉教鐸寒水落文星
草宿孤墳寂山餘拱木青舊傳遺行在誰與續新銘

東湖

東湖春渺渺隱士此幽居迴艇愁驚鳥垂竿不釣魚
興來時覓酒得暇或觀書斜照臨波影小窓日對虛

玉山雲曉

玉山上雲氣曉色並天連漸向微風散還依暝旭旋
入厓搖亂草過洞帶清泉人跡迷新到巖芝何處仙

東峯

獨行東峰秀應耽野趣同晴登雲尚濕曉望日俱紅
詩興長松下琴書素月中悠然忘世慮舉目見冥鴻

雲庄

漠漠看雲遠行行到野庄陰含巖草暝晴拂砌花香
隨月捲沙浦搖風過草堂隔林招謝季春夢每池塘

靜所

深谷無人跡幽厓開隱居潭涵秋幌靜月映夜窓虛
數息頻依杖三餘漫檢書豈宜常習靜金闕待華裾

雲林

林密多雲氣雲深似失林當窓弄竹色傍谷裊松陰
獨坐花前酒間行月下琴豈忘霖雨念出岫但無心

泛池和願翁太守

曲池容小艇上客駐高旌乍可移舷槳相將轉戶楹
燕花朝雨細魚浪晚風清杯酒尋常具閒遊日可成

懷吳黃州郡伯

不見黃洲父相思引望頻連霄散夢寐淡月阻音塵

野曠江雲暮風晴嶺樹春何時王子興一訪撫川津
南山逸老壽詩

蒲陽多秀嶺特立南山尊日月遞升降煙雲互吐吞
幽人託閒逸坐看欲忘言滿谷芝苓長紛披莖葉繁
贈敬菴李隱君

龍泉有隱士塔爾一茆菴盡日惟端坐或時成半酣
晴雲開古洞片月映寒潭塵土誰能識思君欲解簪
訪黎念齋

數載相期約今晨諧宴遊放舟乘落漲看月坐中流
風靜蓮潭迥沙明鷺渚幽暫停還復發夜半尚汀洲

晨發清江鄭雲齋黎念齋追送別值太風

清曉啓行疾諸君追送勞郡侯出饗饌憲伯具新醪
人事同回阻天風正怒號暮帆且停止入夜聽驚濤

阻風

孤舟泊荒渚盡日北風騫偃草轟平地揚波合遠天
空林無鳥雀斷野入雲煙塵慮恐難靜焚香對古編

曉發遇風

盡夜風不止曉看天忽晴重雲散昏駭遠樹見分明
水緩移舟易帆開出浪輕須臾臨末市尊酒慰孤征
是夜約蓮進士曉發不至

中酒睡方熟鳴鷄舟已開深憐昨夜約不見故人來
盞葦還誰聚江湖劇我懷風波堪利涉羨汝濟川才
曉發遇風至石口風改

早起北風寒孤帆轉逆灘南颺忽復至三老坐長嘆
不覩挽舟苦安知行路難前村杏如錦沽酒且成歡
早發大風過峽危甚至苧溪微雨止風乃渡
逆風仍逆水百丈澁難行古岸兼春隱孤城背日明
波濤人意苦舟楫旅魂驚細雨狂颯息黃昏競渡平
遊青原二首

迢遞入山門前朝扁揭存谷回疑路盡石怒覺泉喧
得月橋通樹卧雲庵出軒禪林對深寂吾欲謝靈顛
昔道青原勝今承郡主招巖花流紫澗嶺樹入青霄
僧舍懸空嵌天風響寂寥歸途過急雨野水欲翻橋

竹泉

數竹傍幽泉參差碧可憐含風拂清檻影月動長川
節苦自霜雪操寒從歲年條然謝塵土靜看衛風篇

兩洲

洄沅複二洲江水中分流野火明冬草漁燈動夜舟
波平鷗泛穩林密鳥鳴幽俯仰東西對春風日散愁

贈繆長官宗周

天津初抗疏地部即移官義氣堅同石高名重若山
風塵身獨苦江海思能閒百里纔沾化唐卿忽賜還
和蓀塘寄題塔山

高標屹雙塔半山空影懸岩巖出清漢縹緲散孤煙
樹合巖亭迥江回石瀨公茲遊何日遂極目白雲邊

筠谷

簣管生滿谷蒼翠自成林雨過纔添色風來忽動陰
初生元有節老去亦無心掃徑逢王子時應拭素琴

雙橋

一水流雙碧茆齋俯若虛清堪浮野艇潤足布園蔬

響石縈風細搖葦映月疎開窓無俗對獨息偃圖書

和答張兩山二首

綠水斜依徑青蘿短覆垣鳥啼花外樹雲出洞中門
但覺琴書靜不聞車馬喧信知三谷近亦自有桃源
谷轉疑無路山高欲接天秀萍明曉浦遠樹倒晴川
釣水依巖坐看雲抱石眠尋幽方未極夕日下浮煙

壽胡崇慶

華筵開六十殘臘轉三陽道以年能至身於老更強
墻梅開映月巖竹老禁霜踰爾亭前鶴時來舞壽觴

挽張時涵

哭罷同年友，哀風振紫泉。
煙寒愁拱木，月落慘啼鵑。
才大宜經世，數窮欲問天。
名垂知不朽，况復後人賢。

宿圓通曉發

夜宿圓通寺，山深人跡稀。
天寒嫌被薄，月白戀窓輝。
報主恩同海，思親夢入幃。
行車漸星沒，岳色映朝暉。

東林寺

寺僻依山曲，門深傍水隈。
疎林明曉日，古塔照春苔。
蓮社池空在，虎溪誰復來。
遠公跡已沒，雲暗講經臺。

贈莊菴黃二守

褰帷忻始識，倒屣慰平生。
三晉春棠盛，九江秋水清。

壯懷看把劍，大用待持衡。
後會知何地，相期崇令名。

贈翁太湖

我山東浙秀，暫借太湖居。
山色兼天淨，湖光倒月虛。
英年流善政，暇日讀殘書。
萬里雲途迥，芳名啓軻初。

題耕讀卷

幽人解樂事，作業潭溪邊。
螢動書連屋，鳩啼水滿田。
閉門尋古訓，斲畝待豐年。
此老今云沒，承家有後賢。

送孫半川

雨霽水初平，江行綵鷁輕。
涼雲浮日動，新蓼映隄明。
不盡通家意，還多送客情。
懸知舊詩友，把酒遲歸旌。

望山亭

連日經平野新亭忽見山晴光飛鳥外積翠白雲間
檻竹迎風動池魚戲日還故園歸未得聊此解心顏

宿桃山

兼程復日夜王事忘驅馳栢隱徐王墓山環閔子祠
寒厓留舊雪春木發新枝驛館投昏暮空林鳥宿時

望嶧山

嶧山橫海上屹立衆山殊雨過青疑染天空黛欲梳
孤桐中琴瑟古刻落唐虞何日凌高頂遺氛隘八區

新嘉驛草亭

暮止新嘉驛門開見草亭石蘿緣檻碧水行
泉池青芥節開山霧輶車駐使星焚香獨清坐心已入沉冥

送李南池之蜀藩

五年成契闊一見慰平生禮樂春曹譽旬宣蜀地行
天空巫嶂秀雨過錦江明執手臨岐路匆匆不盡情

送冷丞

錦水春含麗巫山暮列奇琴書經險道舟楫動離思
風正出湖速月明入峽遲情深不能餞吟望獨增悲

九日舟中和傅明府三首

九日寒煙暮孤村碧樹秋狂情羞落帽仙意感同舟

棹出波文引帆開雲色收俊髦俱首拔吾道快茲遊
水落魚龍隱山晴雲霧開舟中無俗侶江上有新臺
岸菊垂花過沙楓打葉來相將行楫穩因羨濟川才
準擬花開日逢迎作主人我因歸石麓君亦泝江濱
相隔風兼雨渾如參與辰螺川應不遠何日訪汀蘋

龍岡

隱士卧龍岡行年五十強柴門但松菊沙塢亦壺觴
水煖魚爭聚風和草自香長生應有訣南極動輝光
詒童用願

用願方十歲壯志比成人說事如曾練占詩若有神

螢窓思勉淬鳳閣看嶙峋令我分携後持花憶汝頻

北溪弟四十

吾興及三月汝年忽四旬過庭諸子得怡座一兄親
酒勸青山暮詩吟碧草春石城好山水吟笑足閒身

送楊之奇

文江初霽雨岸濶漲新痕渺渺沙雲瀾青青洲樹存
論交憐故土惜別自多言太學看馳步清時吾道尊

送夏知事之太平兼懷虞大巡祝太守

姑孰乘軺遠文江識面初通家聊餞席入幕定賢書
烏府桓公馬黃堂龔氏車遠來今歲幾憑問近何如

終慕祠和雙江

孝思敦古道終慕建新祠
天地丞嘗念春秋雨露悲
水含浮藻靜山削秀芝奇
世世思明德彛文合著碑

壽黃遇濟

八月涼颺動華堂清宴開
行年今五十勝事洽方來
笑舞藤花服時傾竹葉杯
煙霞如有約日日傍山迴
蘭谷贈廖文魁

深谷有幽蘭幽人日對看
清香晴入戶秀色晚依闌
葉舞雲光轉花開露氣殘
誰思王者物聊玩翠芬寒
贈鄒爾嘉

山居遠俗塵泉石是芳隣
庭院風雲曉園林花木春
吟詩兼野興飲酒得天真
名利渾無繫百年獨隱身
馬中丞席上賦

官舟傍湖水清宴款斜陽
活鯉來新網鮮菱出小塘
天空風滿樹野曠月生牆
栢府情無極征帆去恨忙
壽詹吳江

松林高拂漢花縣坐鳴絃
歲月仍初度閭屢久須賢
秋高村酒熟日出海桃鮮
可愛中天月流光入壽筵
中秋發桐廬同林退齋諸芋村宴集

中秋竝官舫清曉發桐廬
煙水練同淨雲山畫不如

波鷗翻浦遠，島樹映江疎。竟日淹華宴，文譚樂有餘。
虞山三鳳贈陳原習

三鳳生非偶，苞文衆所驚。遠從丹穴出，一向阿巢鳴。
日月迴毛羽，雲霄列弟兄。虞山高巖嶮，不朽太丘名。
贈常山陳令

常山衝八省，出令合賢侯。使節頻年過，民勞何日休。
牛羊歸落照，禾黍熟深秋。但使閭閻樂，即舒廊廟憂。
題湯氏學圃卷民悅之祖

隱跡今難見，猶存學圃名。煙含蒲沼碧，風動藥欄清。
不替菜根意，素甘藿食情。簪纓垂奕世，籍籍振家聲。
鷺沙精舍作

群鷺翩翩集，晴沙漠漠平。水痕侵斷岸，帆影背孤城。
春雨菰蒲色，秋風蘆葦聲。幽人築精舍，還對數峰清。
贈巡湖李都使

西江紛衆水，浩渺會鄱湖。舟楫危風浪，干戈隱荻蘆。
六韜傳世業，萬里足長驅。邊帥看懸印，先聲走北胡。
棟塘二首

塘上垂雙棟，清陰覆晝長。群枝高濯雨，衆葉密凝霜。
鵲噪水搖綠，魚行浪拂香。臺端挺孤栢，風采羨承芳。
遙望春林盛，棟塘久作家。波光含月澣，花影照煙斜。

獨鳴春啼鳥空簾晚落霞興來無灑掃隨意啓紗
月恒松茂圖壽柯毋

柯毋逢初度開圖寢閣前寒松差可操片月迥孤懸
勁節凌霜雪清光自歲年承家今二妙籍籍衆稱賢

東谷

充山初上日東谷盡光輝草色侵簾細花香入座微
携琴開竹院誦易掩柴扉獨立無人語孤雲天際飛

送任儀賓省親還晉

新秋初過雨文水正張帆細浪回沙渚斜陽倒石巖
承親娛綵服立騎引征衫晉國雲山阻尺書幸早緘

答中華

獨立水西樓鳧鷗趁水流皇天久不雨赤地欲無秋
憂國憐吾老閒居得自由諸君多意氣問使每相求
和傅少巖詠七夕

仙槎浮碧海靈駕渺銀河月色明霄漢天文綺羅
無論思節序得不畏風波暫會還相別徒令幽怨多
夜宿舫州曉發

夜宿舫州樓溪聲轉屋流月沉天欲曉雨過夏疑秋
路暗人行少林深鳥喚幽到家猶未午稚子候江頭

寺壁和韻

群峰環古寺春日暢登臨地僻山房窈松寒石塌深
內觀思闔目靜坐欲冥心暫息風塵累揮毫更短吟
送周子憲訓無錫

鄉國知名久都城對語頻文優時共羨道洽衆相親
潞水帆檣曉錫山桃李春鳳山久踈濶若見道余真
送金仁夫守磁

昔攬三河轡磁州兩度過田閭民困甚車馬路衝多
劇郡宜官好離筵柰爾何循良應不忝千里聽絃歌
送王魯瞻尹諸城

文水簪纓舊諸城寵命新大才少知己善政必宜

民花柳煙光暮桑麻野色春治成馳薦剡出入在

楓宸

和韻奉贈浚川先生三首

中洛文昌應上公衡握真壯懷恢宇宙邃學究天人
道論昭懸日交情密飲醇絕塵那可擬瑞王象風神
瓊瑤時枉被光霽日承依一掬激千古孤忠替萬幾
天空看鳳翥玉蘊見山輝飛藻兼王粲無論杖節威
謬引駑駘步慚趨鷓鷯行每聞宣室詔亦上晉公堂
聖主憂民切老臣謀國長秦階占社籙拭目副明光
送陳子器之政和兼訊東麓

我昔巡閩粵山川悅政和循良須俊彥禮樂召絃歌
地僻逢迎少吏閑詩賦多憲臺訊東麓久別興如何
送郭三水

里閨姻元構交游情更親之官便畫錦爲政藹棠春
地瘠苗應薄路衝民已貧撫摩如赤子庶以報皇仁

送蘇定州

辭賦擬東阿才名重洛河如何矜國色不解畫長蛾
畿輔甘棠頌循良秀麥歌薦書徵異績赤紱佇鳴珂
送紹興歐陽經歷之行

我昔官東越及今三十年每思行邑井相接盡英賢

秦望山前月若耶溪上煙追懷疇昔意對爾忽凄然

韓道士房和復浚川

警蹕傳 三殿風塵淨九衢

明良三五際禮樂瘞燔餘再肇郊禋典曾無封禪書
駿奔在今夕道院且齋居

送張通府之夔

天門初奏績夔府即遷官佐郡揚新譽通家展舊歡
猿聲淒月夕峽口急風湍化俗文翁易誰云蜀道難
雲中行院偶書

雲中行院靜獨坐對青天松短篔簹蓋榆高細落錢

年豐得時雨，廣道淨烽煙。聞道
鑾輿返，歡聲萬里傳。

南厓贈劉隱君

水遠中洲迥，南厓秀列屏。開窓斜對石，約友共談經。
日出朝煙紫，雨餘春草青。幽禽鳴樹杪，獨立小軒聽。

來鴈贈顧中翰

塞北鳴寒月，衡陽引暮霞。如何靈感集，無乃

聖恩賒。欸欸上林翼，依依墨士家。

綸庭有公暇，持此贊黃麻。

贈獨峯王高士

青鳥開仙馭，玄宮鎖洞雲。忽傳

天子詔，特簡玉臺

君。霞佩叢霄舉，空香下界聞。獨峯高不極，厓雪正纈

紛。

題愛梅卷

壺山一夜雪，童子報梅開。披褐循雲徑，尋香到水隈。

枝斜便月上，花瘦喜風來。遶樹微吟罷，徘徊未忍回。

贈游一湖

皇代追隆古，逸民見此人。江湖多適興，天地得閒身。

棲迹隨城市，生涯付蓼蘋。離筵偏繾綣，始覺故情真。

贈嚴東樓

南省趨庭日叅軍領 勅時綵衣猶繾綣畫錦正歲
蕤潞藻依長楫江楓引別卮嚴程竣 王事黃閣遲
來期

雲丘贈李士益

隱士家何處青丘覆白雲風斜當戶入月正對窓分
迷徑稀人跡開岑下鹿群百年常作伴塵事寂無聞

東塘集卷之五

東塘集卷之六

吉水 毛伯溫 著

五言排律

六首

玉山書院

玉山名勝地構此自何時好鳥吟風樹閒花開露枝
天光搖石竇雲影拂松池水甸朝觀耜壁恣夜引帷
林深無漏鼓座暖有臯比與善堂春滿禮賔亭月遲
興閑隨處樂小立擷清葵

初度十二韻

兩歲逢初度羈縻仍衛源感時遙墮淚恨別欲何言

萬姓方懸磨，雙親正倚門。綵衣違子養，綉服負君恩。德業無成就，詩書廢討論。行年虛孔立，臨事負臧論。宵立憐兒女，晝眠憶季昆。犁鋤閑僕御，荆棘長田園。誰爲愁如海，今知恨有根。行厨聊獨酌，塔坐且孤吟。歸去東籬客，閒來北海樽。何時諧宿願，猶及菊松存。

贈蕭中丞和梧山韻

甘棠留隴甸，畫鷁指京師。河洛經行處，閭閻感慕時。春風瞻道範，尊酒話襟期。後進承先達，初逢劇故知。瞻承歡暱洽，忽漫惜分離。朝雨清塵路，秋風動菊枝。旌旗人語競，簫鼓棹歌移。南院看新政，行囊富舊詩。雨花臺上月，千里共相思。

壽白巖喬少保

帝運中興日，春和景莫時。蓬萊開綺席，冠冕獻瑤卮。天錫箕疇福，人歌申翰詩。歡聲騰赤甸，協氣引台維。事業古今異，聲名海宇知。竒文鏤玉釜，餘草落金閨。憶昔罽都變，真同累卵危。精忠傳羽檄，兵法鼓軍師。江水橫樓艣，石城立纛旗。即時驅逆賊，從此定丕基。駿績歸公論，天官屬衆推。階符昭有象，衡鑑秉無私。四海沾膏澤，百官承表儀。

皇心深簡注天語密承咨甲子數方始公孤鬢未絲
昌期慶韶夏泰治仰臯夔北闕常登召南山重致辭
應留安社稷端可過期願賜杖趨廷殿垂名勒景彝
白巖標峻極千古鎮西陲

挽劉持慶太守

哲人胡不憇天意杳難知漫憶生前事徒興沒後悲
虞曹庶庶績法署讞單辭直氣西庭重威名南海馳
淮陽嗟去速陝右嘆來遲肯避催科拙寧甘撫字疲
平生多慷慨中道益艱危殘月明祠屋淒風動總帷
傳芬看太史齋志賴佳兒脉脉思君淚長川無盡期

素菴

隱君扁新菴寓意存素履茅堂對閣山柴門臨瀟水
院淨風入簾窻虛月明几升庭無絲竹束架有圖史
春圃刈幽蘭秋田籍芳芷寒雲翠欲流閒花落如綺
對客話桑麻垂竿釣魴鯉平生純孝思不但備甘旨
雪行虎驚奔谷避賊不視懿行推縉紳高名重鄉里
華胄本仙源積善生令子已見擢科名即看登臚仕
顯揚詎可量昌大從茲始

東塘集卷之七

吉水毛伯溫著

七言律詩一百

清燕亭和答尚書王公

卧龍山半初築臺，忽在尚書來。新裁群魚感，篇次第
出叢菊借。色商量開酌，酒喜無俗吏。至捲簾時，有清
風來簿書休。暇不易得，端脩對此疑蓬萊。

再登清燕亭和尚書王公

新亭突窅天，半高登臨復。此從人豪山，容霽雪開仙。
嶠草色承春，迎使袍別駕。才華新領郡，尚書風采舊。

專曹諸公即席揮珠玉媿我空疎亦此毫

臨山道中和答唐南溟

宦路頻年無定跡臨山今日並君遊孤城暮色慘鄉
思古寺春光亂客愁野曠長雲低落鴈湍回急渚下
輕鷗明刑未盡孚中意回首真慚肉食謀

臨山對酌和答南溟

簿領從君笑語頻層軒對酒益情親鳩聲細送陰陰
雨海色潛歸泔泔春鄉意真同花片懶宦情得似柳
條新狂來更劇尋詩興落日平沙鷗鷺馴

撫景興懷爲白大叅題

歸樂園中景未移主人寂寞已多時奇花漫自開山
徑細草同誰藉酒卮砌冷秋風蠹語急庭空夜月鶴
來遲撫時物物牽多恨華黍南陔不盡思

送神樂道官還京

聖朝祀典徧群神帝時仙郎下紫宸禹廟衣冠生氣
色宋陵俎豆注 絲綸雲邊路出若耶險海上臺觀
秦望春歸奏玉函承密問應言岳瀆豈精禋

定海道中和答熊尚弼

仙輿海上並君行蜃霧沙風趁不驚木槿花稀開欲
盡田桑葉薄種初成通洋船絕楚崖出備虜草荒草

莫生莫向驅馳歌靡監郊原黃鳥正春聲

送李生還京

急雨翻空殘暑收征車欲別還綢繆江蘆曩日叢欲
盛岸柳垂煙葉正柔蘄北庭聞應入夢越南山水聊
開愁相思後夜知無極明月傍人空倚樓

費亨甫唐雲卿同遊焦山

昔年畫鷁過京口遙望金焦思一登豈意清秋隨勝
侶同遊到處足高僧雲中草樹朝含日水面樓臺夜
出燈遍索竒幽歸路晚一輪明月海東升

和答粹夫林中丞

雨雪無端春又還奔驅始覺世途難風晴河柳自生
色日近牆梅猶凍顏獨館懷人詩草積誰家竟夕鈞
舟閒王孫祠畔煙蕪綠倚棹聽歌意倍關

贈高封君和韻

鳳啣寵詔入林丘御墨遙分天語優老去詩書聊
節序此生風月是交遊已甘一徑開韋曲常有百錢
掛杖頭不是堯仁能浩蕩隱居誰信有巢由

品士亭玩竹和空同懷泉翁韻

品士亭前竹數竿亭空時得倚闌看清虛不變四時
節培植翻思往日難南浦月明低弄影東湖雨霽碧

生寒垂垂滿眼俱成實會見扶疎引鳳

送甘友入南雍

禮樂應思陳 北闕琴書却卷入南雍園橋日月三
春麗璧水風雲萬里從黃葉搖林紛別思青山臨路
疊秋容西曹令弟如余問爲道交遊萬事慵

送許封君歸京口

上國風光看欲遍故鄉煙景夢猶頻承家令子久霜
簡避世此生惟角巾白玉珂中歌祖席黃金臺畔送
歸輪長江南去恩波濶會見 泥書下 紫宸

送鄧真甫分教温州

三年理郡論交舊千里思君入夢頻樽酒京華能幾
會秋風客路又沾巾放談今古渾無際觸筆煙雲動
有神聞道甌南多俊傑應看風義動儒紳

月夜小集和施西亭

小軒入夜對清筵盃酒招邀感昔綠時有好風一種
至况薰明月十分圓吟餘樹裊金尊影舞罷花搖綺
席煙坐覺銀壺催曉箭看雲狂欲斲龍泉

送俞簿之龍泉

龍泉地僻佳山水君去行應見落花漠漠春田農事
急祈祈晚巷市聲譁九年犴禁能供職十月鹽肥且

過家縣下間閭思撫字試看何計樂來麻

送歐友尹雲根

吾郡衣冠稱蜀口西州山水說雲根逢時元不輕民
牧爲政何如報國恩避役得無農棄畝催租恐有
吏投村莫言萬里賢聲隔聖主于今關四門

送陶景瑞分教蒲圻

曾見高文譽鄉校豈知厄數屈賢場差將禮樂陳
階那復經書束鱸堂潞水舟航兼雨雪蒲圻人物在
門墻過家寄問耶溪水客念并州幾斷腸

送羅章甫分教華容

故國幾年頻入夢他鄉今日復相逢
蓊門花柳愁心倍楚澤風波別思重
又道儒行方仲素即看師誨仰
華容鱸堂講席開桃李自注湖南第幾峰

送殷生還嘉定兼懷鄧鳴楚

秋風孀孀開黃菊遊子忡忡動白雲
天北天南孤客往帆來帆去大江分
故山水石堪招討靜室光陰足
典墳邑里同年君得覩相煩傳語致殷勤

送郭達誠守寧波

四明山水名東越三宅聲華動法曹
鼓駕豈能拘駭駟幡車端合引蓬蒿
春原雨足田中積秋水溢

上整父老多餘養咨理送君不覺深沾袍
送李生還蜀

幾年劍外多戎馬此日城南送客征
雪路漫漫引
旆春田漠漠望銷兵
新詩草就誰同和
舊館梅開主
半更姓字早通金鎖籍
愛時何以答昇平

送林生還京口

北風馬首振寒纓把酒長亭客暮征
醉後別懷疑草
次雪殘梅影故妻清石門蕙葉流光寵
江口桃花笑
指迎歸共故人理幽興妙高臺上看潮生

送劉天章改守新化

皇都春曉千樹鴉玉河水泮晴隄沙
一杯城東把酒
別萬里滇南去路賒
新化應有隨車雨
在舒定見甘
棠花是非從來無枉論
得失於人何怨嗟

送周錦衣征姚源

昨夜春風入九城
潞河冰泮雪初晴
油幢却傍青
出錦服還宜白晝行
斗酒此時聊別袂
西江何日可
銷兵知君報
至多忠義好向旂
常掛姓名雲

送胡千戶還永新

戎馬年來天下苦
將軍名藝衆推先
陣垂龍虎韜中
畧帆掛風雲
江上船別意應知
難後夜

英年捷功何日傳昔凱報我江南
送僧圓皎還龍華

仁山南擁龍華寺
文水中分碧草洲
勝地由來僧獨
占恒沙今喜汝
能求洞門雨送
山泉秋石磴雲
飄竹院幽衣鉢
即知傳上果錫
飛應到海西頭

過分水

郎山萬丈天相連
獨上山巔秋可憐
下見雲煙千樹
失平臨星斗半空
懸溪流曲曲翻清
漢石磴盤盤入
窈玄使節今朝過
閩粵夢魂昨夜到
幽燕

武陵宮

入閩看山漸不同
此山特削金芙蓉
玄宮傍巖俯溪
水古樹依洞靄雲
峰藥爐轉火流丹
液羽士服氣清
霞容欲窮九曲不
可得簿領何日遺
塵蹤

烏石山亭

烏石山前尋古洞
隣霄臺下坐新亭
窓簾夜月時生
戶草樹春風忽過
庭下峽帆檣懸海
日輝城燈火亂
秋星公餘每適登
臨興遲暮淹留只
翠屏

送王憲長之魯藩

白日旌旄辭秉憲
紫微省閣待持衡
南閩父老歌棠
送東魯兒童騎竹
迎山入武陵開曉
色潮迴羅刹怒

江聲憐余亦有并州念那復君行向越城

登鼓山

斧施東行石路遙半山隱隱出層霄
天空島嶼浮波動海闊亭臺壓霧高
仙袂含風凌絕頂使輶隨月下
長橋憑危更訪神人石欲向三山釣六鰲

壽泉山尚書

方伯省親承 特旨尚書歸老並真仙
白頭勲業朝中述黃閣文章天下傳
竹葉盈杯行綵服梅花飛片舞清筵
年華對此春無盡好向中山鑿壽泉

隣霄臺和丁近齋

殊方又客情能遣高閣同登意忽開
過日高帆過西峽靄雲古樹壓南臺
沙村近帶農田出海岸遙看賈舶來
醉下虛亭尋古跡斷碑危碣半莓苔

海仙贈龔蒲川方伯

誰居東海特稱仙我識仙翁二十年
方外早回真逸駕山中復起濟時賢
蒲川習靜名應避粵嶠旬宣頌可傳
別久會君今又別不堪離思繞朱絃

謁延平書院和韻

九峯絕頂屹書樓躡蹬穿雲到上頭
一脉延平開戶牖千年洙泗共源流
宋時理術昭今古天際奎光映

斗牛再拜遺祠勤仰止蘋花寂寞使人愁

奉和木齋謝閣老

蚤看文采冠詞林未老身辭玉署陰黃閣絲綸匡世業青湖煙水退朝心三秋吳越移書遠萬里幽燕去路駸側仰高山情不極驛樓晴樹動微吟

宴慶成和周貞菴

玉輦迴臨日正中爐煙窈袅散香風唐虞禮樂千年會夷夏冠裳萬國通禁柳遠侵庭仗碧宮花斜映酒杯紅小臣旣醉慚何報願溥餘歡四海同

送曹司憲南還

吳水吳山舊接隣石田茅屋未全貧却辭常
病即買歸航亦甚真郊館別筵春色莫沙汀踈雨
條新知君豪興耽佳句驛使時能寄遠人

清明卧病和答曹霜厓

三月長安花柳明淡煙霏霧拂初晴欲携春酒閒尋
但病卧僧房難出城日午強思扶杖立中林忽聽過
鶯聲何時差健還乘輿短燭清尊期夜盟

送王秉哲尹耒陽

家君與子論文久東坦於吾麗澤多二十年華如昨
日尋常酒債且高歌湖湘煙雨行將到燕薊風塵奈

別何欲問民情應不遠邦中才彥一相過

夜謁嚴祠遇毛憲伯坐語

秋雨冥冥急釣臺滿江風浪拍天來
即持短炬趨祠屋偶見幽人坐石苔
昔日煙霞樓澗壑此時冠蓋逐塵埃
對談永夜堪惆悵寂寞空山猿嘯哀

登大梁明遠樓

同心共竣掄文事乘興還登明遠樓
中嶽雲開天際色大河風靜地中流
人材孰過唐虞盛科目賢於夢卜求
遙想試書開驛使思皇端慰九重憂

柳湖即席和荅王蔡川方伯

是君意動梅香宋朝冠蓋遺休遠澤國亭
興長盡說豐年今有象共君莫惜倒餘觴

歲暮五首和李空同

一冬城野無冰雪竟日塵沙起朔風觸目繁華殘歲
裏傷心蕭索敗垣中兩河民瘼圖難盡故國親交信
未通直北幽燕重回首五雲深處是宸宮

臺府孤沉遠俗紛日斜庭栢鳥聲聞誰家爆竹年將
盡獨坐寒燈夜欲分勝裏金花寒對酒明來物候起
觀雲陽春一曲人難和李白元來思不辭

堦下煙含碧草生，臺前風靜小禽鳴。
苦春至猶防鼓角驚，多病一身人共棄。
同明山中攬結多奇勝，何日歸舷聽雁聲。
塵埃奔走欲成癡，擬向滄江理釣絲。
志埋輪曾使衆人疑，野梅冒雪花將放。
不垂世變江河何底極，豈勝長慨憶標枝。
三度歲除三易地，轉蓬踪跡嘆羈棲。
入越嶠秋臨猿狖啼，此日中州還引節。
扶藜明光起草非真病，杜老心精在灑西。

和空同除夕寫懷

空同先生詩律嚴，除夕遣使掀我簾。
晚開緘不覺酒杯添，椒花媚春在明日。
巡簷豪來欲倚青驄馬，潦倒還將秃筆拈。

正月二日訪空同同梧山中丞夜集二首

正月二日脩常禮，晚集空同學士家。
重主人文采縉紳誇，喧春綵勝聊隨俗。
放花歸路迎燈亂，星斗光搖臺栢起樓鴉。

座間更漏聞三鼓，海內斯文聚一家。
忝倚同蔭玉實非誇謫，仙才豈輸工部汴水居。
浣花佳句每因高興發，驚看華墨漫翻鴉。

朱僊鎮謁武穆祠

武穆祠宮遙展拜英雄事業獨傷情十年兵甲朱僊鎮一日金牌羅刹城叩馬書生回北走焚香父老望南行于今廟食三河地淚灑姦諛恨不平

院亭即席和田水南二首

雨過幽亭涼漸生論文忽憶在仙京雲生橫嶺思親淚日近中天望闕情安得松陰移短晝即拚竹葉倒深更知君明發難爲別愁聽河梁急暮聲

斧旆新從江上來清詩還爲故人裁臺中日隱文書靜簾外花垂宴座開夜月洪州嗟契闊春風梁苑喜

追陪明朝又作沁源別漫對燈前細舉杯

落日誰登王粲樓春風長憶杜陵遊太行君去無多路少室吾曾到上頭偶爾相逢聊索笑不禁遽別動離憂中州此出堪乘興天倒黃河萬里流

送幸庵尚書西歸二首

遠聞旄鉞下回隆疋馬今辰又汴東一代奇勲流竹帛兩河遺澤在棠風赤心報國驅馳裏黑首還鄉氣槩中高節久知天下重大名應見古人同

六月霜威斧節生栢臺風采動神京灑濕草色遙承珮洳泗花光欲駐旌四海千戈包虎韋三秦山水

重金城臨岐不盡追隨意野館葵關白有明春山水
送彭濟永侍兄還金城 蘇京歐點草益

錦衣奉

詔侍兄歸寵動金城草木輝萬里舟車秦

晉遠一門文武古今稀槐蟬嘒嘒吟朝露塞鴈翻
下夕暉莫訝離亭頻勸酒征車回望綵雲飛

奉和野亭劉閣老二首

玉堂誰復早明農黑髮還山見此翁習靜不知花影
暮行吟時聽鳥聲同池蓮過雨朝回碧庭樹經霜晚
落紅野趣無人能共解夜來明月可亭中
新引芳泉泗水邊偶乘孤興泛樓船不將短檝煩三

老自信長風下九天山簡有情能作主林宗無意衆
稱僊清時獨樂看誰得回首長安自日邊

贈吳忍軒長史和虎谷韻

忍軒每夜勤書史萬卷手開焚炬殘白日心神渾不
滓浮雲世事了無干道高國相談經座名重 親王
輔德官咫尺太行瞻眺阻海天雲樹思漫漫

梧山中丞贈言和韻留別

早從中秘振華聲斧鉞今看出汴京花發置懷迎旆
靜雲開嵩少引帷清忘年更覺交情重對酒遙將別
思輕喜聽甘棠歌載路萬家春雨樂農耕

風折冬青樹和空同

閉門嗒坐心無事，酷愛冬青映草堂。一夜風狂不可
禁，兩枝朝折，寂堪傷。翻思手植三年久，頗喜根延百
尺長。來歲春還，生意足，須看新幹倚青蒼。

空同贈言和別

洛陽草色喚催歸，執法星文切太微。海宇幾人持范
轡，滄江千古羨嚴磯。孤城日落亭沙暝，遠道風清木
葉稀。高論時聞心未厭，不堪別淚濕征衣。

奉和石齋閣老夢中得句

四海蒼生真引領，百年康會際雲龍。皇華荐被君

恩，特天語兼承御墨重。致主丹心良獨苦，匡時素志
肯辭慵。驅馳不但輕千里，報答元非急萬鍾。

野亭閣老贈言和答三首

野亭夫子中州隱，黃閣英稱海內傳。早判經綸開水
石，直看風義薄雲天。開來術業昭賢簡，著往功能盛
史編。龍衮迢遙心不寘，菟裘寂寂廓輿尤偏。

赤紱蕭疎汲水湄，併將宇宙豁襟期。令公偉度群兒
狎，司馬高名走卒知。閉戶心情亭草合，釣簾物色檻
松垂。平生倍劇瞻依念，那復河梁賦遠離。

謬承北闕觀風使，獨拜中州第一人。五畝優游松菊

主三朝匡濟股肱臣梁園此日聊棲鳳漢閣他年
擬畫麟拖玉懸魚意不有平生高義豈圖身

雪夜宴集和季明德

夜堂虛敞燭初然故舊相歡並小筵坐久欲呼燕市
筑興來忽憶剡溪船衣冠歲暮同爲客杯酒人間不
異仙何處梅花纔破臘隨風飄拂到尊前

登黃鶴樓用崔韻

昔年每誦崔生句此日真登黃鶴樓雨過巫衡峯冉
冉雲開江漢水悠悠萬家煙樹晴連浦千里風帆晚
趁洲直北長安重回首楚天燕月並關愁

水亭夜興和秦鳳山

水曲村扉夜不扃興來乘眺獨登亭風含水荇映波
靜露裊巖花倒檻冥宿岸小禽翻荻渚迴空急鴈下
雲汀主人獨坐渾無語徙倚南山立翠屏

喜雨奉和 楚殿下

細雨朝飛衡岳天窮簷愁蹙一時蠲蓼叢半溢長江
水禾乘全登大澤田不用詩人憂旱魃且將尊酒問
豐年迂踈豈稱觀風使獨羨群藩推楚賢

九峯寺和韻

九峯古寺半日留觀風使節聊經遊花冥細洞光飛

燕雨映前山忽喚鳩高閣側聞鐘鼓靜小橋斜度竹
松幽覽竒訪勝皆塵土萬事人間一幻漚

賀鳳山中丞平南

守臣屢報郴陽急 天子親分閩外權一鼓豺狼空
晝窟萬家牛犢事春田瀟湘波映旌旗動衝嶽厓懸
賦頌鑄四海卽今多寇盜撫綏應仗濟時賢

雲夢和壁間韻

泥途風雲倦縈迴邑小民貧歲屢災湖口渡舟驚鴛
鴈田頭立馬問蒿萊百年往事嗟荒矣四顧平原亦
快哉長望 翠華懸紫塞昨朝愁絕北書來

送陳西軒太僕還朝

聖主宵衣方側席老臣秋旆忽纓綬 朝城樓祖宴開
江漢驛路征帷向斗杓紫鼓騰催集鳳閣杜珂晚下
玉河橋商霖佇慰蒼生望好使康衢續 帝堯

贈梧山李中丞移撫南畿

栢府錦衣行白晝櫺亭綺宴列 清秋翻思河洛瀟風塵
地漫憶湘沅煙樹舟澧下親朋瞻去節江東父老望
行輶懷君不盡天邊月萬里煙雲接虎丘

曉送梧山道中和韻

軺車千里戒嚴程片月疎星帶曉城石路依山葉在

合沙亭過水板橋橫習池木落宜新霽
梁花梅開憶
往情遺愛兩河應不泯
即看吳下頌昇平

界山驛和韻

山城啼鳥喚愁生驛路青山馬首橫
故舊每逢南北使詩篇多識古今名
秋雲鎖洞寒泉靜晚照穿林亂
葉明廊廟江湖俱念切浮雲日莫不勝情

德山和周益公韻

武陵深處屹名山青嶂逶迤抱碧灣
樵語但聞殘照裏漁歌時出落花間
高僧塔竦寒雲倚隱士崖懸獨
客攀駐馬行厨傳玉掌亂峰歸路不知還

泉師賜詩湖南奉和寄答

解綬初傳漢曲書息機仍卜惠山居
藥欄靜映暮塵外巖竹低橫霽雪餘
庭晝風簾呼獨鶴池春煙草啜
群魚試看綵服承歡日比較三公願孰如

登岳陽樓

憶昨獨登黃鶴樓今辰復作岳陽遊
衡山遠闊煙霞曉洞庭近接波濤秋
珠簾倒捲湖光入綺窓側映天色
流古往今來嗟底事千秋誰抱范公憂

岳陽樓和遠菴閣老

湖邊高閣勢凌空千古登臨感慨同
汚瀆人心見

伐風雲回首英雄波平島嶼浮天外日暮霞飛見
水中 廊廟襟懷應未已十年奔走愧何功

和詠湘潭院桂

臺邊老桂翠凌雲仙種疑從天上分月入曉簾疎影
動風迴午院異香聞孤松相對元同調衆木欲彫此
獨芬試問東園昨桃李成溪雖早不如君

謁南嶽祠

南嶽嵯峨翼軫邦東湘迴合是羅江升沉日月祝融
獨出沒煙雲天柱雙老鶻乘風歸霧嶽幽禽求食事
風窓此來應得山靈笑塵土東西空節幢

開雲堂同夏裕軒陳嵐峯夜宿

燈火虛堂坐嶽山渺然孤興出塵寰林窓縹緲松風
細石閣虛清蘿月閒四海簪裾今夜合三邊戎馬幾
時還倚闌忽動看山意指點芙蓉星漢間

送胡石亭謫延安

天津夜氣寒星斗洮水秋陰動隴秦去國琴書經野
暮過家梅柳拂山春鴈峯煙雨愁離色浙水風霜嘆
舊巡臨路不堪論遠別對君惟有淚盈巾

餞胡石亭於回鴈峯下漫成

幾看鴈過全回北何事人來復往南城郭樓臺朝日

映瀟湘舟楫暮煙含尺書冀北時搔首尊酒衡陽得
盍簪念別更將盃屢進長途風雨藉微酣

明遠樓作

經旬鎖院懷深思此日登樓一破顏倚檻下臨江漢
水開窓平見鳳凰山唐虞人物雲霄上鄒魯文章天
地間喜聽鹿鳴歌盛世即看振鷺引清班

浯溪觀磨崖碑

江上風波空浩渺江邊石壁自嶙峋真卿字畫傳天
地元結文章動鬼神唐室中興誰悔亂浯溪久廢寺
分鄰塵蹤海內傷臨眺回首桃花自淥津

賀杜鎮守平南

百萬天兵壓桂城醜夷何敢抗南征柳營風入旌旗
動虎帳霜搖戈戟橫六壘早懸元惡首五溪今識使
君名捷音急報 明光殿嶺草同沾雨露榮

嶽麓書院

南嶽名峯七十二逶迤到此忽無峯山深合有賢人
隱地古那無異客逢露重松林朝警鶴月寒竹塢夜
懷蛩焚香展坐更長嘆四十無聞愧我慵

送杜深溪改闈

久稱節鉞宜三楚忽報

緣給改闈無乃

路輒何人能步後車塵
衛巫日出山光重
江漢
岸色新若見達齋憑
問訊來鴻莫厭尺書頻

留別西軒陳太保

陳太保

闕下辭章凡幾上
天中溫語及三留
老臣不爲林泉樂
聖主元深社稷憂
岸柳飛花沾祖席
江風吹雨趁仙舟
南燕北聊茲別清珮
何年集鳳樓

留別鳳山秦中丞

並事湖湘經五歲
離情江漢倚孤舟
武陵刑獄霜晨對
桂嶺旌旗雪夜留
九折不回臺省法
萬屢無抱室家憂
即看綸召來丹闕
佇遲仙帷入帝州

留別東湖吳中丞

水從巴蜀來天上
江入荆襄決地中
廊廟特推名世傑
閭閻咸頌濟時功
桑麻曉映千村月
禾黍秋含萬井風
正喜瞻從新節鉞
不堪離旆引歸鴻

留別總戎

地連八省輿圖曠
俗引諸夷反側多
不遣將軍持斧鉞
可堪赤子卧干戈
孤城疲卒朝鳴柝
遠戍征夫夜渡河
我欲爲君成保障
風煙別路奈愁何

贈別戴太行

黃梅雨過楚江晴
一灑炎威爽氣生
使節北旋天

遠傳丹東下 水方平 孤城綵旆 今朝發 故國金山
寺橫海內 正當多事日 看君霄漢立功名

東塘集卷之七